

An Gearrscéal: ‘Na Déithe Luachmhara Deiridh’ le Pádraic Breathnach

AONAD 2

Cuid 2.1 Réamhrá an Aonaid

Is é an scéal ‘Na Déithe Luachmhara Deiridh’ le Pádraic Breathnach a bheidh á phlé san Aonad seo. Tá an scéal le fáil in ‘Gearrscéalta Ár Linne’ le Brian Ó Conchubhair (leathanaigh 33-43).

Déanfar anailís ar an scéal féin chomh maith le cíoradh a dhéanamh ar na téamaí, na smaointe agus an t-atmaisféar a chruthaítear sa scéal.

Cuid 2.2 Torthaí Foghlama an Aonaid

Nuair a bheidh an tAonad seo críochnaithe agat, ba cheart go mbeadh ar do chumas na rudaí seo a leanas a dhéanamh:

- Dul i ngleic le téacs trí Ghaeilge agus do chuid tuairimí a nochtadh maidir leis an méid a bheidh léite agat.
- Forbairt a dhéanamh ar do chuid scileanna anailíse agus léirmheastóireachta agus tú ag plé nó ag múnú do chuid tuairimí féin.
- An scéal a chur i gcomparáid le do shaol féin nó é a chur i gcomhthéacs an duine agus an nádúir dhaonna.



Cuid 2.3 An Gearrscéal: ‘Na Déithe Luachmhara Deiridh’

Tá na léachtaí féin, chomh maith le nótaí ar an scéal seo, le fáil i gcomhad an Aonaid seo ar Blackboard.

Cuid 2.4

Athbhreithniú ar an Aonad

Tá béim mhór sa scéal seo ar an dúlra agus ar an nádúr daonna. Is iomaí comparáid atá le feiceáil sa scéal chomh maith. Feictear an duine mar chuid de phobal agus an t-athrú atá ag teacht ar an bpobal agus ar an áit. Is cuid lárnach chomh maith an reiligiún i saol an duine seo agus tagairtí faoi leith déanta dó. Déantar ceangal idir an talamh nó áit dúchais an duine agus an duine féin agus an leanúnachas a bhíonn mar aidhm ag daoine sa saol chomh maith.

Cuid 2.5

Ceisteanna Féinmheasúnaithe

1. Déan cur síos ar Mháire mar dhuine.
2. Cén t-athrú atá ag teacht ar cheantar Mháire?
3. Céard a dhéanann Máire leis na coinnele?

Cuid 2.6

Freagraí ar Cheisteanna Féinmheasúnaithe

1. Is léir gur duine an-diaganta agus cráifeach í Máire. Déanann sí tagairt do Dhia agus molann sí go hard é de bharr na háilleachta a fheiceann sí, 'Adhmholadh do Dhia na Glóire' (lch 33). Bhí an-mheas aici ar an áit a raibh sí agus ar a timpeallacht, agus rinne sí tagairt don nádúr/dúlra agus a áilleacht go minic. Bhí an lá beannaithe seo, Lá Cinn an Dá Lá Dhéag, tábhachtach agus rinne sí cinnte go ndéanfaí mar ba chóir agus na coinnle a lasadh don ócáid. Bhí eolas ag Máire ar mhuintir na háite agus ar a pobal féin agus ba léir freisin go raibh an-mheas aici ar a muintir a chuaigh roimpi, 'Céad slán leis an seandream' (lch 38). Bhí sí ag iarraidh ainm na bhFathartach a choinneáil beo agus leanúnachas agus rian na ndaoine a chuaigh roimpi a bheith le feiceáil ina timpeall.
2. Feictear athrú mór ag teacht ar cheantar Mháire. Tá na daoine a bhíodh ann agus a sliocht ag imeacht nó ag fáil bháis. Deirtear go bhfuil meathlú ag teacht ar an áit agus go bhfuil an ceann is fearr á fháil ag an nádúr ar na tithe agus ar na bóithríní. Is daoine nua agus turasóirí a fheictear ag teacht isteach san áit agus iad ag cuardach sóláis.
3. Ó tharla gurb í Oíche Chinn an Dá Lá Dhéag atá i gceist bíonn ar Mháire coinnle a lasadh don ócáid bheannaithe. Lasann sí dhá choinneal déag. Dathanna difriúla a bhíonn aici orthu agus cuireann sí ainm ar bhlúirín páipéir le gach ceann. Deir sí gurb í a ceann féin an ceann deireanach a mhúchtar gach uile bhliain. Is ar shlí na fírinne atá gach ainm ach a ceann féin.



Cuid 2.7

An Cheist a Bheidh ar an bhFóram Plé ar Blackboard

An críoch éadóchasach a bhí leis an scéal seo, dar leat?